

史

記

陳涉世家第十八

史記四十八

案隱曰勝亡數月而死無後亦係系家者以其所遣王侯將相竟滅秦為首事故也然時因撥攘起自匹夫假託妖祥一朝傾楚曆年不水勳業茂如繼之齊魯曾何等級可降為列傳也

陳勝者陽城人也

索隱曰韋昭云陽城屬潁川地理志謂蓋陽城舊屬汝南史遷云今為汝陰後又分隸潁川

韋昭據以為說故其不同他皆放此。正義曰即河南

陽城字涉吳廣者陽夏人也

索隱曰夏音賈韋昭云隄陽縣後屬陳。正義曰括

地志云陳州太康縣本漢陽夏縣也字叔陳涉少時嘗與人傭耕索隱曰

傭役也謂役力而受雇直也輟耕之壟上悵恨久之曰苟富貴無相

忘庸者笑而應曰若為庸耕何富貴也陳涉太息曰嗟

乎燕雀安知鴻鵠之志哉

索隱曰尸子云鴻鵠之鷺羽翼未合而有四海之心是也

鴻鵠是一鳥若鳳皇然非鴻鵠也鵠音戶酷反

二世元年七月發閭左適

戍漁陽九百人屯大澤鄉

徐廣曰在沛郡蘄縣。索隱曰問左謂居閭里之左也秦

時復除者居閭左今力役凡在閭左者盡發之也又云

凡居以富強為右貧弱為左秦役戍多富者發盡兼取

貧弱者而發之者也適音直葦反又音辭故漢書有七

料適戍者屯兵而守也地理志漁陽縣名在漁陽郡也

○正義曰括地志云漁陽故城在檀州密雲縣南十八里在漁水之陽也陳勝吳廣皆次當

行爲屯長會天大雨道不通度已失期失期法皆斬陳

勝吳廣乃謀曰今亡亦死舉大計亦死等死死國可乎

索隱曰謂欲經營圖國假使不陳勝曰天下苦秦久矣

成而敗猶愈爲戍卒而死也

吾聞二世少子也不當立

索隱曰姚氏按隱士遺章那書云李斯爲二世廢十七兄

而王今王則二世是當立者乃公子扶蘇扶蘇以數諫

始皇第十八子也

故上使外將兵今或聞無罪二世殺之百姓多聞其賢

未知其死也

索隱曰如傳云扶蘇自殺故人不知其死或以爲不知何坐而死故天下冤二世殺

之或說爲非今宜依文而解直是扶蘇爲二世所殺而百姓未知故欲誅自稱也項燕爲楚將

數有功愛士卒楚人憐之或以爲死或以爲亡今誠以

吾衆詐自稱公子扶蘇項燕爲天下唱宜多應者

索隱曰行者先

書作倡倡謂先也

吳廣以爲然乃行卜

索隱曰行者先也一云行往也

卜者知其指意曰足下事皆成有功然足下卜之鬼乎

蘇林曰狐鳴祠中則是也賈曰假託鬼神以威衆也故

勝廣曰此教我威衆也索隱曰裴註引蘇林臣賈義

亦當矣而李奇又云卜者戒曰所卜事雖成當死爲鬼惡指斥言之而勝失其旨用依鬼神起怪蓋亦得其指也陳勝吳廣喜念鬼

索隱曰念者思也謂思念欲假鬼神之事

曰此教我先

威震耳乃丹書帛曰陳勝王置人所罾魚腹中

漢書立音義曰罾

音罾文頴曰罾魚網也

曰卒買魚烹食得魚腹中書固以怪之矣又

間令吳廣之次近所旁叢祠中

張晏曰戍人所止也叢鬼所憑焉。索隱曰

服虔云間音中間之間鄭氏云間謂切舍人也孔文

祥又云伺切間隙不發令衆知之次帥所次舍也墨

子云建國必擇木之脩茂者以爲叢位

夜篝火

徐廣曰或作帶 世篝者籠也音講。索隱曰狐鳴呼曰大楚興陳勝王

卒皆夜驚恐旦日卒中往往語皆指目陳勝吳廣素愛

人士卒多爲用者將尉醉

索隱曰尉官也漢舊儀大縣

將尉 廣故數言欲亡忿恚尉令辱之以激怒其衆尉果

皆廣尉劍挺

徐廣曰挺猶脫也。索隱曰按脫即奪也說文云挺拔也案謂尉劍拔而廣因奪之

故得殺尉廣起奪而殺尉陳勝佐之并殺兩尉召令徒屬曰

公等遇雨皆已失期失期當斬藉第令毋斬服虔曰藉假也第次

第也應劭曰藉史士名藉也今失期當斬就使藉第幸得不斬成死者固十六七此激怒其衆也蘇林曰第且也○索隱曰第一音次第之第小顏云第但也劉氏

云藉音子夜反應劭讀如字各以意言蘇詭爲近也而

戍死者固十六七且壯士不死即已死即舉大名耳索隱

曰大名謂大名稱也王侯將相寧有種乎徒屬皆曰敬受命乃詐

稱公子扶蘇項燕從民欲也袒右稱大楚爲壇而盟祭

以尉首陳勝自立爲將軍吳廣爲都尉攻大澤鄉收而

攻蕪蘄下索隱曰蕪音幾又音所縣名屬沛郡乃令符

離人葛嬰將兵徇蕪以東索隱曰韋昭云符離屬沛郡李奇云徇略也音辭暇反

攻鉅鄧若柘譙皆下之

徐廣曰苦柘屬陳餘皆在沛也

行收兵比至陳

索隱曰地理志陳縣屬雒陽

車六七百乘騎千餘卒數萬人攻陳

正義

曰今陳州城也本楚襄王祭古陳國城也

陳守令皆不在

索隱曰張晏云郡守縣令皆不在非

也地理志及秦三十六郡並無陳郡則陳止是縣令獨言守令則守非官也與下守丞同也則皆是縣字也獨

守丞與戰譙門中

索隱曰蓋謂陳縣之城門一名譙譙故曰譙門中非上譙縣之門也譙縣

守前已下故

弗勝守丞死乃入據陳數日號令召三老豪傑

與皆來會計事三老豪傑皆曰將軍身被堅執銳伐無

道誅暴秦復立楚國之社稷功宜為王陳涉乃立為王

號為張楚

索隱曰李奇云欲張大楚國故稱張楚也

當此時諸郡縣苦秦吏

者皆刑其長吏殺之以應陳涉乃以吳叔為假王監諸

將以西擊滎陽令陳人武臣張耳陳餘徇趙地令汝陰

人鄧宗徇九江郡當此時楚兵數千人爲聚者不可勝

數葛嬰至東城立襄彊爲楚王

索隱曰東城縣名地理志屬九江。正義曰括

地志云東城故城在豫州定遠縣東南五十里也。嬰後間陳王已立因殺襄彊

還報至陳陳王誅殺葛嬰陳王令魏人周市北徇魏地

吳廣圍滎陽李由爲三川守

索隱曰三川今洛陽也地有伊洛河故曰三川。秦曰

三川。漢曰河南郡。李由李斯子也。守滎陽吳叔弗能下陳王徵國之豪

傑與計以上蔡人房君蔡賜爲上柱國

侯書音義曰房君官號也姓蔡

名賜。蔡曰房邑君也。索隱曰房邑也爵之於房。號曰房君。晉灼按張耳傳言相國房君者蓋誤耳。佛始號楚

國之官也。正義曰豫州吳房縣本房子國是所封也。

因楚有柱國之官故以官蔡賜蓋其時草創亦未置相

周文陳之賢人也

文穎曰嘗為項燕軍視日

如淳曰視日時吉凶

舉動之占也司馬季主為日者

事春申君自言習兵陳王與之將軍印

西擊行收兵至關車千乘卒數十萬至戲

正義曰即京東戲亭也

軍焉秦令少府章邯免鄜山徒人奴產子

服虔曰家人之產奴也

素隱曰小類云猶今言家產奴也

悉發以擊楚大軍盡敗之周文敗走

出關止次曹陽

素隱曰曹陽水名也在弘農東十三里小類云曹水之陽也其水在陝縣西

南峴頭山北流入河魏武帝改為好陽也。正義曰於地志云曹陽故亭亦名好陽亭在陝州桃林縣東南十

西里崔浩云曹陽坑名自南山北通於河按魏武帝改曰好陽也

二三月章邯追敗之

復走次澠池

正義曰澠池河南府縣是也

十餘日章邯擊大破之周

文自剽軍遂不戰

徐廣曰十一月也。素隱曰越系家勾踐使罪人三行礮劍於頸曰不敢

逃河乃自剄邯瑛註
三蒼以爲剄刺也

武臣到邯鄲自立爲趙王陳餘爲

大將軍張耳召騷爲左右丞相陳王怒捕繫武臣等家

室欲誅之柱國曰秦未亡而誅趙王將相家屬此生一

秦也不如因而立之陳王乃遣使者賀趙而徙繫武臣

等家屬宮中而封其子張敖爲成都君

正義曰成都蜀郡縣涉遙封之

趣趙兵亟入關

索隱曰趣音促謂催促也亟音棘亟急也

趙王將相相與謀

曰王王趙非楚意也楚已誅秦必加兵於趙計莫如毋

西兵使使北徇燕地以自廣也趙南據大河北有燕代

楚雖勝秦不敢制趙若楚不勝秦必重趙趙乘秦之弊

可以得志於天下趙王以爲然因不西兵而還故上谷

卒史韓廣將兵北徇燕地燕故貴人豪傑謂韓廣曰楚
已立王趙又已立王燕雖小亦萬乘之國也願將軍立
爲燕王韓廣曰廣母在趙不可燕人曰趙方西憂秦南
憂楚其力不能禁我且以楚之疆不敢害趙王將相之
家趙獨安敢害將軍之家韓廣以爲然乃自立爲燕王
居數月趙奉燕王母及家屬歸之燕當此之時諸將之
徇地者不可勝數周市北徇地至狄徐廣曰今之臨濟狄人田
儋殺狄令自立爲齊王以齊反擊周市市軍散還至魏
地欲立魏後故甯陵君咎爲魏王應劭曰魏諸公子咎咎欲立六國後以樹

黨。索隱曰晉灼云甯陵今在梁國按今梁國有寧陵
縣是字轉異耳。正義曰括地志云宋州寧陵縣城古

襄陵城也時咎在陳王所不得之魏魏地已定欲相與立周

市爲魏王周市不肯使者五反陳王乃立寧陵君咎爲

魏王遣之國周市卒爲相將軍田臧等相與謀曰周章

軍已破矣秦兵旦暮至我圍滎陽城弗能下秦軍至必

大敗不如少遣兵足以守滎陽

索隱曰遣作遺遺謂留餘也

悉精兵

迎秦軍今假王驕不知兵權不可與計亦誅之事恐敗

因相與矯王令以誅吳叔獻其首於陳王陳王使使賜

田臧楚令尹印使爲上將田臧乃使諸將李歸等守滎

陽城自以精兵西迎秦軍於敖倉與戰田臧死軍破章

邯進兵擊李歸等滎陽下破之李歸等死陽城人鄧說

將兵居郟

索隱曰地理志陽城縣屬潁川說音悅九人

也按章郟軍此時未至東海此郟別是地名或恐郟當

義曰屬海州疑郟當作郟音紀洽反郟即春秋時郟地

楚郟教葬之今汝州郟縣城是郟悅是陽城人陽城河

南府縣與郟城縣相近又

走陳蓋郟字誤作郟耳

章郟別將擊破之

許正義曰括地志云許州許昌縣本漢許縣地理志云

所滅漢以為縣魏文帝

即位改許曰許昌也

陳王誅鄧說陳王初立時陵人秦嘉

地理志泗水至人

董繅符離人朱雞石取慮人鄭布

索隱曰地理志取慮

縣名屬臨淮音秋閭

二音取又

徐人丁疾等皆特起將兵圍東海

正義曰今

守慶於郟陳王聞乃使武平君畔為將軍

張晏曰監郟

下軍秦嘉不受命嘉自立為大司馬惡屬武平君告軍

吏曰武平君年少不知兵事勿聽因矯以王命殺武平

君畔章邯已破伍徐擊陳柱國房君死章邯又進兵擊

陳西張賀軍陳王出監戰軍破張賀死臈月

張晏曰秦之臈月夏

之九月賈曰建丑之月也。索隱曰顛游秦云按史記

表二世十月誅葛嬰十一月周文死十二月陳涉死是

也宗稟荆楚記云臈節在十月陳王之汝陰還至下城父

索隱曰按舊讀以陳王從汝陰還至城父縣因降下之

故云還至下城父又顧氏按郡國志山乘縣有下城父

聚在城父縣東下讀其御莊賈殺以降秦陳勝葬碭

如字其說為得之正

曰音唐今宋謚曰隱王陳王故洵人將軍呂臣

應劭曰

州碭山縣是

謂者將軍姓呂名臣也晉灼曰呂氏春秋荊柱國莊伯
 令謂者駕冷侑人取冠。索隱曰侑音公玄反服屐云
 給通如為倉頭軍起新陽徐廣曰在汝南也。索隱曰
 今謂者為倉頭軍起新陽韋昭云軍皆著青帽故曰倉
 頭。正義曰括地志云新陽故城在豫州真陽縣西
 南四十二里漢新陽縣城應劭云在新水之陽也 攻

陳下之殺莊賈復以陳為楚索隱曰為如字讀初陳王

至陳令銓人宋留將兵定南陽入武關留已徇南陽聞

陳王死南陽復為秦矣留不能入武關乃東至新蔡遇

秦軍宋留以軍降秦秦傳留至咸陽車裂留以徇秦嘉

等聞陳王軍破出走乃立景駒為楚王徐廣曰正月引

兵之方與正義曰方與兗州縣也欲擊秦軍定陶下正義曰

也使公孫慶使齊王欲與共力俱進齊王曰聞陳王戰

陳

敗不知其死生楚安得不請而立王公孫慶曰齊不請

楚而立王楚何故請齊而立王且楚首事當令於天下

田儋誅殺公孫慶秦左右校索隱曰即左布校尉軍也復攻陳下之

呂將軍走收兵復聚鄒盜鄒音婆英布居江中為羣盜陳勝之起布歸番君吳芮故

謂之鄒謂之鄒盜者也當陽君黥布之兵相收復擊秦左右校破之青

波漢書音義由地名也復以陳為楚會項梁王懷王孫心為楚王

陳勝王九六月已為王王陳其故人嘗與庸耕者聞之

之陳扣宮門曰吾欲見涉宮門令欲縛之自辨數乃置

晉灼曰數音朋友數斯疏矣口索隱曰數音陟主反謂自辨說數與涉有故舊津驗也又音朔數謂自辨往數

與涉有故也不肯為通陳王出遮道而呼涉陳王聞之乃召

見載與俱歸入宮見殿屋帷帳客曰夥願涉之為王沈

沈者

應劭曰沈沈宮室深邃之貌也沈音長含反含一作金○素隱曰服虔云楚人謂多為夥又言願者

助聲之辭也謂涉為王宮殿帷帳其物夥多聲而偉之故稱夥願也劉伯莊以沈沈猶談談謂故人呼為沈沈

猶俗云談談係也楚人謂多為夥故天下傳之夥涉為王由陳

涉始客出入愈益發舒言陳王汝情或說陳王曰客愚

無知顯妄言輕威陳王斬之諸陳王故人皆自引去由

是無親陳王者

索隱曰顯氏引孔叢子云陳勝為王妻之父兄往焉勝以賔相待之妻父怒云

枯號而傲長者不能久焉不辭而去是其事類也

陳王以朱房為中正胡武為

司過主司羣臣諸將徇地至令之不是者繫而罪之以

苛察為患其所不善者弗下吏輒自治之

索隱曰謂朱房胡武等以

素所不善者即自陳王信用之諸將以其故不親附此

其所敗也陳勝雖已死其所置遣侯王將相竟云秦

由涉首事也高祖時爲陳涉置守冢三千家碣石血食

褚先生曰

徐廣曰一作太史公劉案班固奏事云太史遷取賈誼過秦上下篇以爲秦始皇本紀陳

涉出家下贊文然則言褚先生者非也。索隱曰徐廣

斐翹據所見別本及班彪奏事皆云合作太史公今據

此是褚先生述史記加此贊首地形險阻數句然後始

稱賈生之言因即改太史公之目而自題已位號也已

下義並已見地形險阻所以爲固也兵革形法所以爲

治也猶未足恃也夫先王以仁義爲本而以固塞文法

爲枝葉豈不然哉吾聞賈生之稱曰秦孝公據殽函之

固韋昭曰殽謂二殽函函谷關也擁雍州之地君臣固守以窺周室有

席卷天下包舉宇內囊括四海之意并吞八荒之心當
是時也商君佐之內立法度務耕織脩守戰之備外連
衡而闢諸侯於是秦人拱手而取西河之外孝公既沒
惠文王武王昭王蒙故業因遺策南取漢中西舉巴蜀
東割膏腴之地收要害之郡諸侯恐懼會盟而謀弱秦
不愛珍器重寶肥饒之地以致天下之士合從締交相
與爲一當此之時齊有孟嘗趙有平原楚有春申魏有
信陵此四君者皆明知而忠信寬厚而愛人尊賢而重
士約從連衡兼韓魏燕趙宋衛中山之衆於是六國之
士有竊越徐尚蘇秦杜赫之屬爲之謀齊明周最正義曰音

聚陳軫邵滑

邵正義作昭

樓緩翟景蘇厲樂毅之徒通其意

吳起孫臏帶他兒良王廖田忌廉頗趙奢之倫制其兵

嘗以什倍之地百萬之師仰關而攻秦

索隱曰仰字亦作仰並音仰謂

秦地形高故並仰向關門而攻秦有作叩字非也

秦人開關而延敵九國之師

遁逃而不敢進

索隱曰九國者謂六國之外更有宋衛中山

秦無亡矢遺鏃之費

而天下固已困矣於是從散約敗爭割地而賂秦秦有

餘力而制其弊追亡逐北伏尸百萬流血漂櫓

索隱曰說文云

櫓大楫也因利乘便宰割天下分裂山河疆國請服弱國入

朝施及孝文王莊襄王享國之日淺國家無事及至始

皇奮六世之餘烈振長策而御宇內吞二周而亡諸侯

獲至尊而制六合執敲朴以鞭笞天下

索隱曰臣瓚云短曰敲長曰朴

威振四海南取百越之地以爲桂林象郡百越之君俛

首係頸委命下吏乃使蒙恬北築長城而守藩籬却匈

奴七百餘里胡人不敢南下而牧馬士亦不敢貫弓而

報怨

索隱曰貫音烏還反又如字貫謂上絃也

於是廢先王之道燔百家之

言以愚黔首墮名城殺豪俊收天下之兵聚之咸陽銷

鋒鋌

徐廣曰鑄一作鑄以爲金人十二

索隱曰今重千石坐高二丈號曰翁仲

以

弱天下之民然後踐華爲城因河爲池據億丈之城臨

不測之谿以爲固良將勁弩守要害之處信臣精卒陳

利兵而誰何

索隱曰謂今也

天下已定始皇之心自以

爲關中之固金城千里子孫帝王萬世之業也始皇既

沒餘威振於殊俗然而陳涉筆牖繩樞之子甞隸之人

徐廣曰田民曰甞音亡更反而遷徙之徒也材能不及中人非有仲

尼墨翟之賢陶朱猗頓之富也躡足行伍之間俛仰阡

陌之中索隱曰阡伯謂千人百人之長也漢書作阡率

罷散之卒將數百之衆而轉攻秦斬木爲旗天下雲會

響應羸糧而景從山東豪俊遂並起而亡秦族矣且天

下非小弱也雍州之地穀函之固自若也陳涉之位非

尊於齊楚燕趙韓魏宋衛中山之君也鉏耰棘矜非鈇

於句戟長鎚也索隱曰鉏耰謂鉏耒也論語曰耰適戍

於句戟長鎚也而不穀是也棘戟也矜戟柄音勤

之衆非儔於九國之師也深謀遠慮行軍用兵之道非

及鄉時之士也

索隱曰鄉音香亮反鄉時猶往時也然蓋謂孟嘗信陵蘇秦陳軫之比也

而成敗異變功業相反也嘗試使山東之國與陳涉度

長黎大

索隱曰黎音下結反謂如結束知其大小也

比權量力則不可同年

而語矣然而秦以區區之地致萬乘之權抑八州而朝

同列

索隱曰謂秦強而抑八州使百有餘年矣然後以朝已也漢書注招八州亦通

六合爲家殺函爲宮一夫作難而七廟墮身死人手爲

天下笑者何也仁義不施而攻守之勢異也

索隱曰施音式政反

言秦虎狼之國其仁心不施及於天下故亡也

索隱述贊曰

天下匈匈

海內乏主

倚鹿爭捷

瞻烏爰覩

陳勝首事

厥號張楚

鬼怪是憑

鴻鵠自許

葛嬰東下

周文西拒

始親朱房

又任胡武

夥頤見殺

腹心不與

莊賈何人

反噬城父

陳涉世家第十八

史記四十八

外戚世家第十九

史記四十九

索隱曰外戚紀后妃也后族亦代有封爵故也漢書則編之列傳中王隱則謂之妃而在列傳之首

自古受命帝王及繼體守文之君

索隱曰繼體謂非無業之主而是嫡子繼

先帝之正體而立者也守文者猶法也謂非受命創制之君但守先帝法度爲之主耳非獨內德

茂也蓋亦有外戚之助焉

索隱曰謂非獨君德於內茂盛亦有賢后如外戚之親以

助數夏之興也以塗山

索隱曰韋昭云塗山國名禹所娶在今九江應劭云九江當塗

有禹墟大戴禮云禹娶塗山氏之女謂之女橋生啓也

而桀之放也以末喜索隱曰

語桀伐有施有施之國末喜其女也

殷之興也以有娥

素隱曰有娥國名其女簡狄吞燕卵而生契故詩云天命玄鳥降而生商是也

紂之殺也嬖妲

己索隱曰國語殷辛伐有蘇有蘇氏以妲己女焉按

已有蘇國也己姓也妲字也包慎云妲音丁達反周

之與也以姜原及大任

索隱曰系本云帝上妃有邵

姓姬名德夫人亦生后稷大任文王之母故而幽王之

禽也淫於褒姒

索隱曰周語曰幽王代有褒有褒人以

蔡之子褒人育而以女於幽王也然此文自夏故易基

乾坤詩始關雎書美鰲降春秋譏不親迎

索隱曰公羊

女傳曰外逆女書此何以書夫婦之際人道之大倫也

禮之用唯婚姻爲兢兢夫樂調而四時和陰陽之變萬

物之統也

素隱曰以言若樂聲調能令四時和而陰陽

婦道和而能化生万物是陰陽即夫婦也夫可不慎與人能弘道無如

命何甚哉妃匹之愛

索隱曰妃音

君不能得之於臣

曰以言夫婦親愛之情雖君父之尊而不奪臣子所始
愛使移其本意是不能得也故曰匹夫不可奪志也

父不能得之於子況卑下乎既離合矣或不能成子姓

索隱曰鄭玄註禮記云姓者子
姓謂後孫也即趙飛鸞等是也能成子姓矣或不能要

其終索隱曰按謂有始不能要其終也以言雖有
子姓而意不能要終如栗匪滿后等是也豈非

命也哉孔子罕稱命蓋難言之也非通幽明之變惡能

識乎性命哉索隱曰惡音
烏猶於何也

太史公曰秦以前尚略矣其詳靡得而記焉

漢興呂娥姁徐廣曰始音沉羽反呂后姊字長姁也○
索隱曰娥姁呂后字按漢書小顏云呂后

名雉字為高祖正后男為太子及晚節色衰愛弛而戚

夫人有寵索隱曰漢書云
得定陶戚姬其子如意幾代太子者數矣

及高祖崩呂氏夷戚氏誅趙王而高祖後宮唯獨無寵

踈遠者得無恙

案隱曰爾雅云恙憂也一說古者野居露宿恙噬人蟲也故人相恤云得無恙

平呂后長女爲宣平侯張敖妻敖女爲孝惠皇后

案隱曰宣平侯

甫謚云名嫪

呂太后以重親故欲其生子萬方終無子詐取

後宮人子爲子及孝惠帝崩天下初定未久繼嗣不明

於是貴外家王諸呂以爲輔而以呂祿女爲少帝后欲

連固根本牢其然無益也高后崩合葬長陵

關中說曰高祖陵在

西呂后陵在東漢帝后同塋則祿產等懼誅謀作亂大

爲合葬不合陵也諸陵皆如此臣征之天誘其統一作廣曰卒滅呂氏唯獨置孝惠皇后

居北宮

案隱曰在未央北故曰北宮。正義曰在地志云北宮在雍州長安縣西北十三里與北宮相

近在長安故城中迎立代王是爲孝文帝奉漢宗廟此豈非天

邪非天命孰能當之

薄太后父吳人姓薄氏秦時與故魏王宗家女魏媼通

索隱曰媼音烏老反然媼是婦人之老者通號故趙太后自稱媼及劉媪皆媼之屬是也生薄姬而

薄父死山陰因葬焉索隱曰顧氏按冢墓記薄父冢在會稽縣西北樓山上今猶有兆域

襟音莊洽反正義曰括地志云樓山在越州會稽縣西北三里一名樓山嶺音莊洽反及諸侯畔

秦魏豹立爲魏王而魏媼內其女於魏宮媼之許負所

相相薄姬云當生天子是時項羽方與漢王相距滎陽

天下未有所定豹初與漢擊楚及聞許負言心獨喜因

背漢而畔中立更與楚連和漢使曹參等擊虜魏王豹

以其國爲郡而薄姬輸織室豹已死漢王入織室見薄

姬有色詔內後宮歲餘不得幸始姬少時與管夫人趙

子兒相愛約曰先貴無相忘已而管夫人趙子兒先幸

漢王漢王坐河南宮成臯臺

秦隱曰按是河南宮之成臯臺漢書作成臯臺西

征記云武牢城內有高祖殿西南有武庫也。正義曰括地志云洛州汜水縣古東魏州故鄭之制邑漢之成

皇縣也此兩美人相與笑薄姬初時約漢王聞之問其故

兩人具以實告漢王漢王心慘然憐薄姬是日召而幸

之薄姬曰昨暮夜妾夢蒼龍據吾腹高帝曰此貴徵也

吾爲女遂成之一幸生男是爲代王其後薄姬希見高

祖高祖崩諸御幸姬戚夫人之屬呂太后怒比幽之不

得出宮而薄姬以希見故得出從子之代爲代王太后
太后弟薄昭從如代代王立十七年高后崩大臣議立
後疾外家呂氏彊皆稱薄氏仁善故迎代王立爲孝文
皇帝而太后改號曰皇太后弟薄昭封爲軹侯索隱曰
地理志
云軹縣在河內恐地遠非其封案
長安東有軹道亭或當是所封也薄太后母亦前死葬
櫟陽北於是乃追尊薄父爲靈文侯會稽郡置園邑三
百家長丞已下吏奉守家寢廟上食祠如法而櫟陽北
亦置靈文侯夫人園如靈文侯園儀薄太后以爲母家
魏王後早失父母其奉薄太后諸魏有力者於是召復
魏氏及尊賞賜各以親䟽受之薄氏侯者凡一人薄太

后後文帝二年以孝皇帝前二年崩葬南陵

索隱曰按

霸陵南十里故謂之南陵按今在長安東滻水東原上

名曰少陰在霸陵西南故曰東望吾子西望吾夫是也

正義曰括地志云南陵故縣在雍州万年縣東南二

十四里漢南陵縣本壽太后陵邑陵在東北去縣六里

以吕后会葬長陵故特自起陵近孝文皇帝霸陵

徐廣曰霸陵縣有軹道亭

竇太后索隱曰皇甫謐云名栝旁趙之清河觀津人也

正義曰在冀州棗強縣東

此二十五里吕太后時竇姬以良家子入宮侍太后太后出

宮人以賜諸王各五人竇姬與在行中竇姬家在清河

欲如趙近家請其主遣官者吏

正義曰謂官者為吏主發遣官人也必置

我籍趙之伍中官者忘之誤置其籍代伍中籍奏詔可

乃成世家

當行竇姬涕泣怨其宦者不欲往相彊乃肯行至代代

王獨幸竇姬生女嫫

索隱曰嫫音疋消反

後生兩男而代王王后

生四男先代王未入立為帝而王后卒後代王立為帝

而王后所生四男更病死孝文帝立數月公卿請立太

子而竇姬長男最長立為太子立竇姬為皇后女嫫為

長公主其明年立少子武為代王已而又徙梁是為梁

孝王竇皇后親早卒葬觀津

索隱曰執事雲注法錄云竇太后父少遭秦亂隱身漁

釣墜泉而死景帝立太后遣使者填父所墜淵起大墳

於觀津城南人間號為竇氏青山正義曰括地志云

竇少君墓在冀州武邑縣東南二十七里

於是薄太后乃詔有司追尊竇石

父為安成侯母曰安成夫人令清河置園邑二百家長

丞奉守比靈文園法竇皇后兄竇長君

索隱曰決疑第云建字長君

曰竇廣國字少君少君年四五歲時家貧爲人所略賣

其家不知其處傳十餘家至宜陽爲其主入山作炭寒

臥岸下百餘人岸崩盡壓殺臥者少君獨得脫不死自

卜數日當爲侯從其家之長安

索隱曰謂從涿其宜陽之主人家而皆往長安

爲居聞竇皇后新立家在觀津姓竇氏廣國去時雖小

識其縣名及姓又常與其姊採桑墮用爲符信上書自

陳竇皇后言之於文帝召見問之具言其故果是又復

問他何以爲驗對曰姊去我西時與我決於傳舍中

索隱曰決別也傳音轉傳舍謂郵亭傳置之舍巧沐沐我

索隱曰美竇皇后初入宮時別其弟於傳舍之中也

曰丐音蓋丐者乞也米請食飯我乃去於是竇后待

之而泣泣涕交橫下侍御左右皆伏地泣助皇后悲哀

乃厚賜田宅金錢封公昆弟家於長安

秦隱曰公亦祖也謂皇后同祖

之昆弟如竇嬰即皇后從昆弟子之比亦得家於長安故劉氏云公昆弟謂廣國等也絳侯灌將

軍等曰吾屬不死命乃且縣此兩人兩人所出微不可

不爲擇師傅賓客又復效呂氏大事也於是乃選長者

士之有節行者與君竇長君少君由此爲退讓君子不

敢以尊貴驕人竇皇后病失明文帝幸邯鄲慎夫人尹

姬皆母子孝文帝崩孝景帝立乃封廣國爲章武侯

索隱

曰地理志縣名屬渤海○正義曰括地志云滄州魯城縣長君前死封其子彭祖爲

南皮侯

索隱曰地理志縣名屬渤海。正義曰括地志云故南皮城在滄州南皮縣北四里漢南皮縣

也

吳楚反時竇太后從昆弟子竇嬰任俠自喜將兵以

軍功爲魏其侯

索隱曰地理志縣名屬琅邪

竇氏凡三人爲侯竇太

后好黃帝老子言帝及太子諸竇不得不讀黃帝老子

尊其術竇太后後孝景帝六歲建元六年崩

索隱曰當武帝建元

六年此文并也而漢書作元光誤也

合葬霸陵遺詔盡以東宮金錢財物

賜長公主嫖

王太后槐里人

索隱曰皇甫謐云右名姁音志地理志右扶風槐里本名廢丘。正義曰括地

志云大丘故城一名槐里亦曰廢丘母曰臧兒臧兒者故

燕王臧荼孫也臧兒嫁爲槐里王仲妻生男曰信與兩

女

索隱曰即右及兒灼也

而仲死臧兒更嫁長陵田氏生男蚡勝

臧兒長女嫁為金玉孫婦生一女矣而臧兒卜筮之曰

兩女皆當貴因欲竒兩女

索隱曰竒者異之也漢書作倚倚依也

乃奪金

氏金氏怒不肯予決乃內之太子宮太子幸愛之生三

女一男男方在身時王美人夢日入其懷以告太子太

子曰此貴徵也未生而孝文帝崩孝景帝即位王夫人

生男

索隱曰即武帝也漢武故事云帝以乙酉年七月七日生於倚蘭殿也

先是臧兒又

入其少女兒姁

索隱曰姁音悅羽反兒姁生四男

索隱曰謂黃川王越賢東王寄

情向王舜常山王憲也

景帝為太子時薄太后以薄氏女為妃及景

帝立立妃曰薄皇后皇后母子母寵薄太后崩廢薄皇

唐景帝長男榮其母栗姬栗姬齊人也立榮為太子長

公主嫖有女欲予為妃栗姬妬而景帝諸美人皆因長

公主見景帝得貴幸皆過栗姬索隱曰嫖音栗姬日怨

怒謝長公主不許長公主欲予王夫人王夫人許之長

公主怒而日譏栗姬短於景帝曰栗姬與諸貴夫人幸

姬會常使侍者祝唾其背挾邪媚道景帝以故望之索隱

曰望猶責望謂恨之也景帝常體不安心不樂屬諸子為王者於

栗姬曰百歲後善視之栗姬怒不肯應言不遜景帝恚

心嗾之而未發也索隱曰嗾音街恨也長公主日譽王夫

人男之美景帝亦賢之又曩者所夢白符計未有所

定王夫人知帝望栗姬因怒未解陰使人趣大臣立栗

姬為皇后大行奏事畢索隱曰大行九官行音衛曰子以母貴母以

子貴

索隱曰此皆公羊傳之文也

今太子母無號宜立為皇后景帝

怒曰是而所宜言邪遂案誅大行而廢太子為臨江王

栗姬愈恚恨不得見以憂死卒立王夫人為皇后其男

為太子封皇后兄信為蓋侯索隱曰地理志縣名屬太山景帝崩太

子襲號為皇帝尊皇太后母臧兒為平原君正義曰德州縣也

封田蚡為武安侯索隱曰地理志縣名屬魏郡。正義曰括地志云武安故城在洛州武安

縣西南七里六國時勝為周陽侯索隱曰地理志縣名屬上郡。正義曰括

地志云周陽故城在絳州景帝十三男一男為帝十二

史記

男皆為王而兒姁早卒其四子皆為王王太后長女號

曰平陽公主

正義曰括地志云平陽故城即晉州城西而今平陽故城東南也城記云堯葬也

次為南宮公主

正義曰南宮冀州縣也

次為林慮公主

索隱曰林慮縣名屬

何內本名隆慮避煬帝諱改名林慮

蓋侯信好酒田蚡

勝貪巧於文辭王仲早死葬槐里追尊為共侯置園邑

二百家及平原君卒從田氏葬長陵置園比共侯園而

王太后後孝景帝十六歲以元朔四年崩合葬陽陵正義

曰括地志云陽陵在雍州咸陽縣東四十里

王太后家凡三人為侯

衛皇后字子夫生微矣蓋其家號曰衛氏

正義曰衛青傳云父衛青

為吏給事平陽侯家與侯交衛媼通生青故冒衛氏

出平陽侯邑

徐廣曰平陽侯曹壽尚平陽公

主子夫爲平陽主謳者武帝初即位數歲無字平陽主

求諸良家子女十餘人飾置家武帝被

徐廣曰三月上臨水被除謂

之樂呂后本紀亦云三月被還過軹道蓋與游字相似故或定之也○索隱曰小頰被音發今亦音拂謂被被

之遊水自繫故云被除也霸上還因過平陽主主見所侍美人上弗

說既飲謳者進上望見獨說衛子夫是日武帝起更衣

子夫侍尚衣軒中得幸

正義曰尚主也於主衣車中得幸也

上還坐驪甚

賜平陽主金千斤主因奏子夫奉送入宮子夫上車平

陽主拊其背曰行矣彊飯勉之即貴無相忘入宮歲餘

竟不復幸武帝擇宮人不中用者斥出歸之衛子夫得

見涕泣請出上憐之復幸遂有身尊寵日隆召其兄衛

長君弟青為侍中而子夫後大幸有寵凡生三女一男

索隱曰二女謂諸邑石邑及衛長公主後封為當利公主也

男名據索隱曰即初上

為太子時娶長公主女為妃立為帝妃立為皇后姓陳

氏

索隱曰漢武故事云后名阿嬌即長公主婢女也曾祖父嬰堂邑侯傳至午尚長公主生后也無子

上之得為嗣大長公主有力焉徐廣曰即景帝時標也以故陳皇

后驕貴聞衛子夫大幸恚絕死者數矣上愈怒陳皇后

挾婦人媚道其事頗覺於是廢陳皇后索隱曰漢書云女子楚服等坐

為皇后呪詛大逆無道相連誅者三百餘人乃廢后居長門宮故司馬相如賦云陳皇后別在長門宮愁悶悲

思奉黃金百斤為相如取酒乃為作頌以秦皇后復親幸作頌信工也復親幸之恐非實也一而立衛

子夫為皇后陳皇后母大長公主景帝姊也數讓武帝

姊平陽公主曰帝非我不行立已而棄捐吾女壹何不
自喜而倍本乎平陽公主曰用無子故廢耳陳皇后求
子與醫錢凡九千萬然竟無子衛子夫已立為皇后先
是衛長君死乃以衛青為將軍擊胡有功封為長平侯

索隱曰地理志
縣名屬汝南

青三子在襁褓中皆封為列侯及衛皇

后所謂姊衛少兒少兒生子霍去病以軍功封冠軍侯

索隱曰地理志
冠軍屬河陽

號驃騎將軍青號大將軍立衛皇后子

據為太子衛氏枝屬以軍功起家五人為侯及衛后色

衰趙之王夫人幸有子為齊王

索隱曰名驪

王夫人早卒而

中山李夫人有寵有男一人為昌邑王

索隱曰名勝
正義曰名賀李

夫人早卒

索隱曰李延年之女弟漢書云帝悼之李少翁致其形帝爲作賦

其兄李延

年以音幸號協律協律者故倡也兄弟皆坐姦族是時

其長兄廣利爲貳師將軍伐大宛不及誅還而上既夷

李氏後憐其家乃封爲海西侯

正義曰漢武帝令李廣利征大宛國近四海故

號海西侯也他姬子二人爲燕王廣陵王

索隱曰漢書云李姬生廣陵王胥燕

王旦也其母無寵以憂死及李夫人卒則有尹婕妤之屬

更有寵然皆以倡見非王侯有士之女士不可以配人

主也

褚先生曰

正義曰疑此元成之間褚少孫續之也

臣爲郎時問習漢家故

事者鍾離生曰王太后在民間時所生子女者

徐廣曰名俗

正義曰按後
封修成君者

父爲金王孫王孫已死景帝崩後武帝已

立王太后獨在而韓王孫名嫫素得幸武帝承間曰言

太后有女在長陵也武帝曰何不早言乃使使往先視

之在其家武帝乃自往迎取之蹕道先驅旌騎出橫城

門如淳曰橫音光三輔黃圖云北而西頭門正義曰
括地志云渭橋本名橫橋架渭水上在涇州咸陽縣

東南二十二里
按此橋對門也乘輿馳至長陵當少帝西八里里門閉

暴開門乘輿直入此里通至金氏門外止使武騎圍其

宅爲其亡走身自往取不得也即使左右羣臣入呼求

之家人驚恐女亡匿內中牀下扶持出門令拜謁武帝

下車泣曰噍

素隱曰烏有反蓋陰之辭耳
正義曰噍責失聲驚愕貌也

大姊何藏

之深也詔副車載之迴車馳還而直入長樂宮行詔明

著引籍

正義曰武帝道上詔令通名狀於門使引入至太后所

通到謁太后太后

曰帝倦矣何從來帝曰今者至長陵得臣姊與俱來顧

曰謁太后太后曰女其邪曰是也太后為下泣女亦伏

地泣武帝奉酒前為壽奉錢千萬奴婢三百人公田百

頃甲第以賜姊太后謝曰為帝費焉於是召平陽主南

宮主林慮主三人俱來謁見姊因號曰脩成君有子男

一人女一人男號為脩成子仲

索隱曰金氏之甥脩成君之子也而名仲者為

女為諸侯王王右

徐廣曰嫁為淮南王安大子妃也此二

子非劉氏以故太后憐之脩成子仲驕恣陵折吏民皆

兼管之

衛子夫立爲皇后右弟衛青字仲卿以大將軍封爲長

平侯四子長子伉爲侯世子侯世子常侍中貴幸其二

弟皆封爲侯各千三百戶一曰陰安侯索隱曰名不疑地

名屬魏郡。正義曰括地志云陰安二曰發干侯索隱

故城在魏州頓丘縣北六十里也三曰宜

春侯索隱曰名伉地志曰宜春縣西南二十三里

貴震天下天下歌之曰生男無喜生女無怒獨不見衛

子夫霸天下是時平陽主寡居當用列侯尚主主與左

右議長安中列侯可爲夫者皆言大將軍可主笑曰此

出吾家常使令騎從我出入耳柰何用爲夫乎左右侍
御者曰今大將軍姊爲皇后三子爲侯富貴振動天下
主何以易之乎於是主乃許之言之皇后令白之武帝
乃詔衛將軍尚平陽公主焉

褚先生曰丈夫龍變傳曰蛇化爲龍不變其文家化爲
國不變其姓丈夫當時富貴百惡滅除光耀榮華貧賤
之時何足累之哉

武帝時幸夫人尹婕妤

素隱曰韋昭云婕承好助也一

女漢舊儀云皇后爲
婕妤下與此承相邢夫人號姪娥
索隱曰服虔云姪
音近妍徐廣音三

許慎云秦晉之間謂好爲姪又方言云美貌謂之姪娥

漢舊儀云姪娥秩衆人謂之姪何姪何秩比中二千石

比將軍御史大夫索隱曰崔浩云中猶滿也漢制九卿已上秩一歲容華

滿二千斛又漢官儀云中二千石俸月百八十斛

秩比二千石索隱曰二千石是郡守之秩漢官儀云其

諸侯王相在郡守上秩真二千石漢律真二千石俸月

二萬按是二萬斛則二萬斛亦是二千石也崔浩云列

卿已上秩石皆正二千石則是真二千石也其云中二

千石亦不滿二千蓋千八百耳此崔氏說今兼引而

解婕妤秩比列侯常從婕妤好遷爲皇后尹夫人與邢夫

人同時並幸有詔不得相見尹夫人自請武帝願望見

邢夫人帝許之即令他夫人飾從御者數十人爲邢夫

人來前尹夫人前見之曰此非邢夫人身也帝曰何以

言之對曰視其身貌形狀不足以當人主矣於是帝以

詔使邢夫人衣故衣獨身來前尹夫人望見之曰此真是也於是乃低頭俛而泣自痛其不如也諺曰美女入室惡女之仇

褚先生曰浴不必江海要之去垢馬不必馱驥要之善走士不必賢世要之知道女不必貴姙要之真好傳曰女無美惡入室見妬士無賢不肖入朝見嫉美女者惡女之仇豈不然哉

鈞弋夫人姓趙氏河間人也

索隱曰漢書云武帝過河間望氣者言此有奇女天

子亟使使召之女兩手皆拳上自投之手即伸由是得幸號曰拳夫人後居鈞弋宮號曰鈞弋夫人列仙傳云發手得一玉鈞故號焉黃圖示鈞弋宮在城外漢武故事云宮在直門南蘭記云宮有千門萬戶不可記其名

也昭帝即位追尊大右父趙父爲順成侯○正義得幸
曰括地志云鈞弋宮在長安城中門名堯母門也

武帝生子一人昭帝是也武帝年七十乃生昭帝昭帝

立時年五歲耳徐廣曰武帝前年正七十昭帝年八歲耳○索隱曰此褚先生之記漢書云元

始三年生昭帝又誤按元始當作太始也衛太子廢後未復立太子而燕王

旦上書願歸國入宿衛武帝怒立斬其使者於北闕上

居甘泉宮召畫工圖畫周公負成王也於是左右羣臣

知武帝意欲立少子也後數日帝譴責鈞弋夫人夫人

脫簪珥叩頭帝曰引持去送掖庭獄夫人還顧帝曰趣

行文不得活夫人死雲陽宮索隱曰三輔故事云武帝

三千九漢武帝故事云既殯香聞十里上謂非常人發

推無尸衣履存焉○正義曰括地志云雲陽宮秦上

泉宮在雍州雲陽縣西北八十里秦始皇作甘泉宮去長安三百里黃帝以來祭園丘處也時暴風

揚塵百姓感傷使者夜持棺往葬之正義曰括地志云雲陽陵漢鈞七夫

人變也在雲陽縣西北五十八里孝武帝鈞弋趙婕妤

昭帝之母齊人姓趙少好清靜六年臥病右手膝欲食

必經武者云東北有貴人推而得之召到姿色甚佳武

帝持其手伸之得玉鈎後生昭帝武帝末年殺天人嬪

之而尸香一日昭帝更葬之棺但存然發也宮訛云武

帝思之爲起通靈臺於甘泉常有一青鳥集臺上往來

至宣帝封識其處其後帝閑居問左右曰人言云何左

右對曰人言且立其子何去其母乎帝曰然是非兒曹

憑人所知也往口國家所以亂也由主少母壯也女主

獨居驕蹇淫亂自然莫能禁也女不聞呂后邪故諸爲

武帝生子者無乃女其母無不譴死豈可謂非賢聖哉

昭然遠見爲後世計慮固非淺聞愚儒之所見也謚
爲武豈虛哉

索隱述贊曰

禮貴夫婦

易叙乾坤

配陽成化

比月居尊

河洲降淑

天曜垂軒

德著任姒

慶流娥姁

建哉炎曆

斯道克存

呂權大寶

寶善云言

自茲已降

立嬖以恩

內無常主

後嗣不繁

外戚世家第十九

史記四十九

楚元王世家第二十

史記五十

楚元王劉交者

正義曰年表云都彭城

高祖之同母

徐廣曰一作父。索隱曰

漢書作同父言同父以明異母也

少弟也字游高祖兄弟四人長兄伯

伯蚤卒始高祖微時嘗辟事時時與賓客過巨嫂食

曰漢書云丘嫂也。索隱曰應劭云丘姓也孟康云丘空也兄云空有嫂也今此作巨巨大也謂長嫂也劉氏

云巨亦作丘也嫂厭叔叔與客來嫂詳為羹盞櫟

杓歷釜旁使為聲漢書作棘音勞賓客以故去已而視釜中尚有羹高

祖由此怨其嫂及高祖為帝封昆弟而伯子獨不得封

太上皇以為言高祖曰其非忘封之也為其母不長者

耳於是乃封其子信為羹頰侯

徐廣曰羹頰侯以高祖七年封封十三年高台

元年有罪削爵一級為關內侯。索隱曰：美頰爵號非縣名，以其襟釜故也。正義曰：括地志云：美頰山在鴈

州懷戎縣東南十五里，按高祖取其山名為侯，洗者怨故也。而王次兄仲於代。

兄名喜，字仲，以六年立為代王。其年罷卒，謚頃王，有子曰濞。高祖六年已禽楚王韓

信於陳，乃以弟交為楚王，都彭城。索隱曰：漢書云：楚王

十六即位二十三年卒。子夷王郢立。索隱曰：漢書夷王

四年卒。子王戌立。王戌立二十年冬，坐為薄太后服，私

竊削東海郡。索隱曰：漢書云：私奸服舍中姚察云：奸於

人以罪重故。春，戌與吳王合謀反，其相張尚、太傅趙夷

吾諫不聽。戌則殺尚、夷吾，起兵與吳西攻梁，破棘壁。

至昌邑南。正義曰：括地志云：大棘故城在宋州寧陵縣西七十里，州即梁棘壁。至昌邑南。正義曰：括地

故城在曹州成武縣東北三十二里也

與漢將周亞夫戰漢絕吳楚糧

士卒飢吳王走楚王戊自殺軍遂降漢漢已平吳楚孝

景帝欲以德侯子續吳

徐廣曰德侯名黃吳王鼻之弟也其父名仲

以元王

子禮續楚竇太后曰吳王老人也宜爲宗室順善今乃

首率七國紛亂天下柰何續其後不許吳許立楚後是

時禮爲漢宗正乃拜禮爲楚王奉元王宗廟是爲楚文

王文王立三年卒子安王道立安王二十二年卒子襄

王經立襄王立十四年卒子主純代立王純立地節二

年中人上書告楚王謀反王自殺國除入漢爲彭城郡

徐廣曰純立十七年卒蓋節三子延壽立十九年死。索隱曰大史公惟詳王地爲國人告反國除蓋延壽後

更封至十九年又其父訛此故不同也。正義曰漢書云王純嗣十六年延壽嗣與趙何齊謀反延壽自殺立三十二年國除與此不同地節是宣帝年號去天漢四年二十九年的隔昭帝世言到地節二年以下者皆褚先生誤也

趙王劉遂者

正義曰年表云都邯鄲

其父高祖中子名友謚曰幽

幽王以憂死故爲幽高后王呂祿於趙一歲而高后崩

大臣誅諸呂呂祿等乃立幽王子遂爲趙王孝文帝即

位二年立遂弟辟彊

索隱曰音壁彊又音闕

取趙之河間郡爲河

間王

正義曰河間今瀛州也

以爲文王立十三年卒子哀王福立

一年卒無子絕後國除入于漢遂旣王趙二十六年孝

景帝時坐晁錯以適削趙王常山之郡吳楚反趙王

與合謀起兵其相建德

索隱曰建德其相名史先失姓也

內史王惲

言

不聽遂燒殺建德王惲發兵屯其西界欲待吳與俱西

北使匈奴與連和攻漢漢使曲周侯酈寄擊之趙王遂

還城守邯鄲相距七月吳楚敗於梁不能西匈奴聞之

亦止不肯入漢邊欒布自破齊還乃并兵引水灌趙城

趙城壞趙王自殺邯鄲遂降

正義曰邯鄲治州縣也

趙幽王絕後

太史公曰國之將興必有禎祥君子用而小人退國之

將亡賢人隱亂臣貴使楚王戊毋刑申公遵其言

索隱曰漢

書申公名培

趙任防與先生

補堯傳曰趙人防與公也

王戊齊廢之見趙不用防與公當時猶知事跡或

別有所見故太史公所以結其贊

為天下修哉賢人立身公平非質有其內惡能用之哉
甚矣安危在出令存亡在所任誠哉是言也

索隱述贊曰

漢封同姓

楚有令名

既滅韓信

王失彭城

穆生致醴

韋孟作程

王戊棄德

與吳連兵

太后命禮

為楚罪輕

文襄繼立

世挺才英

如何趙遂

代殞厥聲

興亡之兆

所任宜明

楚元王世家第二十

史記五十

荆燕世家第二十一

史記五十一

荆王劉賈

正義曰年表云都吳也

諸劉者不知其何屬

漢書賈高帝也入兄

索隱曰註引漢書則班固或別有所見也

初起時漢王元年還定三秦劉

賈爲將軍定塞地

索隱曰即挑林之塞

從東擊項籍漢四年漢王

之敗成臯北渡河得張耳韓信軍軍脩武深溝高壘使

劉賈將二萬人騎數百渡白馬津入楚地

正義曰括地志云黎陽一

名白馬津在滑州白馬縣北三千里按賈從此津南過入楚地也

燒其積聚以破其業

無以給項王軍食而已楚兵擊劉賈賈輒壁不肯與戰

而與彭越相保漢五年漢王追項籍至固陵

徐廣曰在陽夏。正

義曰括地志云固陵陵名在陳州苑丘縣西北四

十二里

使劉賈南渡淮圍壽春

正義

曰今壽州壽春縣是也

還至

人附招楚大司馬周穀周穀反楚

佐劉賈舉九江迎武王黥布兵皆會垓下共擊項籍漢

王因使劉賈將九江兵與太尉盧縮西南擊臨江王共

尉

索隱曰共敖之子

共尉已死以臨江爲南郡

正義曰今荆州也

漢六

年春會諸侯於陳

正義曰今陳州也

廢楚王信囚之分其地爲

二國當是時也高祖子幼昆弟少又不賢欲王同姓以

鎮天下乃詔曰將軍劉賈有功及擇子弟可以爲王者

羣臣皆曰立劉賈爲荆王王淮東五十二城

索隱曰表云劉賈都

只又漢書以東陽郡封賈東陽即臨淮故云王淮東

正義曰括地志云西北四十里蓋此縣是也高祖

弟交爲楚王王淮西三十六城

正義曰淮以西徐泗濠等州也

因立子

肥為齊王始王昆弟劉氏也高祖十一年秋淮南王黥

布反東擊荆荆王賈與戰不勝走富陵索隱曰地志云富陵在楚州盱眙縣東北六十里為布軍所殺高祖自擊破

布十二年立沛侯劉濞為吳王王故荆地

燕王劉澤者諸劉遠屬也漢書澤高祖從祖昆弟。索隱曰楚漢春秋田子春說張

然則班固言從祖昆弟當別有所見也高帝三年澤為

郎中高帝十一年澤以將軍擊陳豨得王黃為營陵侯

索隱曰地理志縣名在北海。正義曰括地志云營陵故城在青州北海縣南三十里高后時齊

人田生晉灼曰春秋田子春游乏資以畫干營陵侯澤服虔曰以計畫

也。索隱曰兩家之說並通澤大說之用金二百斤為

干之也文穎曰以下畫得龍澤大說之用金二百斤為

也。索隱曰兩家之說並通澤大說之用金二百斤為

田生壽田生已得令即歸齊二年澤使人謂田生曰弗

與矣孟康曰與黨與言不復與我爲田生如長安不見

澤而假大宅令其子求事呂后所幸大謁者張子卿徐廣

曰名澤翽案如淳曰闔人也居數月田生子請張卿臨親脩具張卿

許往田生盛帷帳共具譬如列侯張卿驚酒酣乃屏人

說張卿曰臣觀諸侯王邸第百餘皆高祖一切功臣索隱

曰此一切猶一例同時也今呂氏雅故本推轂高帝就

天下如淳曰呂公知高祖相貴以女妻之推轂使爲長者

也。索隱曰雅訓素也謂呂氏素心奉推高祖取天下若人推轂欲前進塗然也推音呂誰天功至大

又親戚太后之重太后春秋長諸呂弱太后欲立呂產

為呂王王代太后又重發之

文穎曰欲發之恐大臣不聽鄒展曰重難發事恐

大臣不聽今卿最幸大臣所敬何不風大臣以聞太后

太后必喜諸呂已王萬戶侯亦卿之有

正義曰高后紀云封張卿為建

侯太后心欲之而卿為內臣不急發恐禍及身矣張卿

大然之乃風大臣語太后太后朝因問大臣大臣請立

呂產為呂王太后賜張卿千斤金張卿以其半與田生

田生弗受因說之曰呂產王也諸大臣未大服今營陵

侯澤諸劉為大將軍獨此尚舛望

徐廣曰缺音決又音窺睡反

今卿

言太后列十餘將王之彼得王喜去諸呂王益固矣張

卿入言太后然之乃以營陵侯劉澤為琅邪王琅邪王

乃與田生之國田生勸澤急行毋留出關太后果使人

追止之已出即還及太后崩琅邪王澤乃曰帝少諸呂

用事劉氏孤弱乃引兵與齊王合謀西

漢書音義曰澤至齊為齊王所

劫不得去乃說王求諸京師齊具車送之不為本與齊

合謀也。索隱曰漢書齊王傳云使祝午劫琅邪王至

齊因留琅邪王不得反國澤乃說求入關齊乃送之與

此文不同者劉氏以為燕齊兩史各言其主立功之迹

太史公間疑遂各記之則所謂實錄欲誅諸呂至梁聞漢遣灌將軍屯滎

陽澤還兵備西界遂跳驅至長安

漢書音義曰跳驅馳至長安也。索隱曰

跳他彫反脫獨去也又音條謂疾去也代王亦從代至諸將相與琅邪王

共立代王為天子天子乃徙澤為燕王乃復以

以齊復故地

李奇曰本齊地分王澤今復與齊也

澤王燕二年薨謚為敬

王傳子嘉爲康王至孫定國與父康王姬姪生子男一

人奪弟妻爲姬與子女二人姪定國有所欲誅殺巨肥

如令郢人

如淳曰定國自欲有所殺餘巨肥如令郢人以告之。索隱曰如淳意以肥如亦臣名令

郢人以告定國也小顏以爲定國欲有所誅殺餘巨肥而肥如令郢人乃告定國也按地理志肥如在遼西呈

人等告定國定國使謁者以他法劾捕格殺郢人以滅

口至元朔元年郢人昆弟後上書具言定國陰事以此

發覺詔下公卿皆議曰定國禽獸行亂人倫逆天當誅

上許之定國自殺國除爲郡

太史公曰荆王王也由漢初定天下未集故劉賈雖屬

踈然以策爲王填江淮之間劉澤之王權激呂氏索隱曰謂

田子春欲王劉澤先使張卿說封呂產乃恐然劉澤不以大臣缺望澤卒得王故為權激諸呂也

南面稱孤者三世事發相重豈不為偉乎

晉灼曰澤以金與田生以

事張卿張卿言之呂后而劉澤得王故曰事發相重或曰事起於相重也。索隱曰謂先發呂氏令重而我亦得其功是事發相重也偉盛也蓋盛其能激發也

索隱述贊曰

劉賈初從 首定三秦 既渡白馬 遂圍壽春

始迎黥布 絕聞周殷 賞功胙土 與楚為隣

營陵始爵 勲由擊陳 田生遊說 受賜千斤

一 權激諸呂 事發榮身 徙封傳嗣 三於郢人

荆燕世家第二十一

史記五十一